



册府元龟
卷之九百八十三
至九

13
849
316



門 4 3
849
316



冊府元龜

淮南李嗣京叅閱

西極文翔鳳訂正

豫章黃國琦較釋

外臣部 九百八十三

征討第二

後漢光武建武十年正月匈奴左南將軍將數千騎
救盧芳將賈覽於向柳大司馬吳漢率捕虜將軍王
霸等五將軍與戰于平城下破之追出塞斬首數百
級

冊府元龜 外臣部

卷之九百八十三

十三年漢復將弛刑徒起亭障自代至平城三百餘里凡與匈奴烏桓大小數十百戰

十一月先零羗寇金城隴西中郎將來欵率諸將擊

羗於五谿大破之

隴西襄武縣有五谿聚

十一年先零羗寇臨洮隴西太守馬援破降之徙置

天水隴西扶風三郡

十二年武都參狼羗反隴西太守馬援討降之

十九年九月西南夷寇益州郡

故城在今昆州晉寧縣是

遣武威

將軍劉尚討之二十一年正月諸夷悉平

二十一年四月安定屬國胡叛屯聚青山

青山在今慶州馬嶺

將西

遣將兵長吏陳訢討平之

訢音育

十月遣伏波將軍馬援出塞擊烏桓不克

二十三年正月南郡蠻叛遣武威將軍劉尚討破之

徙其種人於江夏

郡各故城在今安州雲夢縣東南

十二月武陵蠻叛寇掠郡縣遣劉尚討戰于沅水

武陵

郡今郎州也沅水各出沅河東北過臨洮縣至長沙洞庭湖

尚軍敗歿

二十四年七月武陵蠻寇臨洮遣謁者李嵩中山太

守馬成討蠻不克於是伏波將軍馬援率四將軍討

之

二十五年十月叛蠻悉降

中元元年十二月參狼羗寇武都敗郡兵隴西太守
劉盱遣軍救之及武都郡兵討叛羗皆破之於是
遂班師

明帝以中元二年二月即位九月燒當羗寇隴西敗
郡兵于允街縣名屬金城郡遣謁者張鴻討叛羗于允吾縣名

馬金城郡十一月遣中郎將竇固監捕虜將軍馬武等二
將軍討燒當羗明年七月大破之

永平元年史不書月遼東太守祭彤使緝甲擊赤山烏桓
大破之斬其渠帥赤山在遼東西北數千里

是年復遣中郎將竇思捕虜將軍馬武等擊渙吾於
西郡大破之始復夷叛益州刺史發兵討破之斬其
渠帥傳首京師

十五年帝欲遵武帝故事擊匈奴通西域以竇固明
習邊事固舊隨融在河西曉知邊事拜為奉車都尉以騎都尉耿

忠為副忠弁之子謁者僕射耿東為駙馬都尉秦彭為副
皆置從事司馬並出屯涼州明年固與忠率酒泉燉

煌張掖甲卒及盧水羗胡案湟水東經臨江縣胡城北又東盧溪水出西南盧

地也川即此萬二千騎出酒泉塞耿秉秦彭率武威隴西
大水募士及羗胡萬騎出居延塞居延塞在今甘肅張掖縣東北太
僕祭彤度遼將軍吳棠將河東北地西河羗胡及南

單于兵萬一千騎出高關塞高關山名在朔方北騎都尉來苗

護烏桓較尉文穆將太原雁門代郡上谷漁陽右北

平定襄郡兵及烏桓鮮卑萬一千騎出平城塞固忠

至天山即祁連山也今在四川交河縣東北今名祁縣羅漫山擊呼衍王斬首

千餘級呼衍王走追至蒲類海蒲類海今名婆悉海在庭州蒲昌縣東南

留吏士屯伊吾盧城伊吾今伊州縣也本匈奴地明帝置宜和都尉此為屯田

故地今伊州納職縣伊吾故小城地也耿秉秦彭絕漠六百餘里至三

水樓山匈奴中來苗文穆至匈奴河水上盧皆奔走

十六年命將帥北征匈奴取伊吾盧地

十七年十一月遣奉車都尉竇固駙馬都尉耿秉騎

都尉劉張出燉煌昆崙塞昆崙山名因以為塞在今肅州酒泉縣西南山有昆崙之體故名之周穆王見西王母于北山有石室王母臺擊破白山盧於蒲類海

上遂入車師

章帝建初元年正月酒泉太守段彭討擊車師大破

之

二月武陵澄中蠻陳從等叛十月郡兵討破降之

九月永昌哀牢夷叛明年三月永昌越雋益州三州

民夷討叛平之

二年六月燒當羌叛金城太守郝崇討之敗績羌遂

寇漢陽八月遣行車騎將軍馬防討平之斬首一千

級

其年燒當迷吾與封養種豪布橋等五萬人共寇隴西漢陽於是遣行車騎將軍馬防長水校尉耿恭討之明年四月防等破燒當羗於臨洮

三年閏四月西域假司馬班超擊姑墨大破之先是莎車以爲漢兵不出遂降於龜茲而疏勒都尉番辰亦復反叛會假司馬徐幹適至超遂與幹擊番辰大破之斬首千餘級多獲生口超旣破番辰欲進攻龜茲以烏孫兵強宜因其力乃上言烏孫大國控茲十萬故武帝妻以公主至孝宣皇帝卒得其用今可遣

使招慰與共合力帝納之復遣假司馬和恭等四大將兵八百詣超超因發疏勒于闐兵擊莎車莎車陰通使疏勒王忠啖以重利忠遂反從之西保烏郎城超乃更立其府丞成大爲疏勒王悉發其不反者以攻忠積半歲而康居遣精兵救之超不能下是時月氏新與康居爲婚相親超乃使使多齎錦帛遣月氏王令曉示康居王康居王乃罷兵執忠以歸其國烏郎城遂降於超後三年忠說康居王借兵還據損中

損中未詳東觀記作賴中續漢書及華喬書並作損中本或作植未知其孰是也

密與龜茲

謀遣使詐降於超超內知其姦而外僞許之忠大喜

卽從輕騎詣超超密勒兵待之爲供張設樂

供音居角切張

音竹亮切

酒行乃叱吏縛忠斬之因擊破其衆殺七百餘

人南道於是遂通後永元三年超爲西域都護徐幹爲長史拜白霸爲龜茲王遣司馬姚光送之超與光共脅龜茲廢其王尤利多而立白霸使光將尤利多還詣京師超居龜茲屯乾城徐幹屯疏勒西域惟焉耆危須對犁以前沒都護懷二心其餘悉定六年秋超遂發龜茲鄯善等八國兵合七萬人及吏士賈客千四百人討焉耆兵利尉犁界而遣曉說焉耆尉黎危須曰都護來者欲鎮撫三國卽欲改過向善宜遣

大人來迎賞賜王侯已下事畢卽還今賜王綵五百疋焉耆王廣遣其左將北鞬支奉牛酒迎超超詰鞬支曰汝雖匈奴侍子而今秉國之權都護自來王不以時迎皆汝罪也或謂超可便殺之超曰非汝所及此人權重於王今未入其國而殺之遂令自疑設備守險豈得到其城下哉於是賜而遣之廣乃與大人迎超於尉黎奉獻珍物焉耆國有葦橋之險廣乃絕橋不欲令漢軍入國超便從他道厲度七月晦到焉耆去城二十里正營大澤中廣出不意大恐乃欲悉驅其人共入山保焉耆左侯元孟先嘗質京師密遣

使以事告超即斬之示不信用乃期大會諸國王因
 楊聲重加賞賜於是焉耆王廣尉黎王汎及北韃支
 等二十人相率詣超其國相腹久等十七人懼誅皆
 亡入海十七字或為七十而危須王亦不至坐定超怒詰廣
 口危須王何故不到腹久等所緣逃亡遂叱吏士收
 廣汎等於陳睦故城斬之傳首京師因縱兵鈔掠斬
 首五千餘級獲生口萬五千人馬畜牛羊三十餘萬
 頭更立元孟為焉耆王半歲慰撫之於是西域五十
 餘國悉皆納質內屬焉

五年三月荆豫諸郡兵討破武陵澧中叛蠻

先是三年冬澧

中蠻覃兒健等復反攻燒零陽作唐房陵界中明年
 春發荆州七郡及汝南潁川池刑徒吏士五千餘人
 拒守零陽募克中五星蠻積夫不叛者四千人擊澧
 中賊五年春覃兒健等請降不許郡國遣兵與戰于
 宛下大破之斬兒健首餘
 皆棄營走還澧中者也

章和元年春羌胡雜種叛護羌校尉傅育上請發隴
 西張掖酒泉各五千人諸郡太守將之育自領漢陽
 金城五千人合二萬兵與諸郡尅期擊之命隴西兵
 據河南張掖酒泉兵遮其西并未及會育軍獨進迷
 吾聞之徙廬落去育選精騎三千窮追之夜至建威
 南三兜谷去虜數十里須且擊之不設備迷吾乃伏
 兵三百人夜突育營營中警環散走育下馬手戰殺

十餘人而死死著八百八十人及諸郡兵到羗遂引去

七月燒當羗寇金城護羗較尉劉旰討之斬其渠帥

和帝以章和二年二月即位十月以侍中竇憲為車

騎將軍伐北匈奴

永元元年六月車騎將軍竇憲出雞鹿塞

今在朔方
靈渾縣北

關駟十三州志云靈縣有大道
西北出雞鹿塞窳音羊王切

度遼將軍鄧鴻出柶

陽塞

柶陽縣屬九原郡故城在
今勝州銀城縣界柶音因

南單于出滿夷谷

滿夷

谷關

與北匈奴戰於稽落山大破之追至和渠北鞬

海憲遂登燕然山刻石勒功而還

二年五月月氏國遣兵攻西域長史班超擊降之

三年二月大將軍竇憲遣左較尉耿種出居延塞

居延

縣屬張掖郡

圍北單于於金微山大破之獲其母閼氏

四年冬淩中澧中蠻潭戎等反燒燔郵亭殺畧吏民

武陵郡兵擊破降之

五年九月北匈奴單于於除鞬白畔還北帝遣將兵

長史王輔以千餘騎與中郎將任尚共追誘將還斬

之破滅其衆

是年護羗較尉貫友討燒當羗羗乃遁去南單于安

國叛骨都侯喜斬之

六年七月西域都護班超大破焉耆尉犁斬其王南單于安國從弟子逢侯率叛胡亡出塞九月癸丑以光祿勳鄧鴻行車騎將軍事與越騎較尉馮柱行度遼將軍朱徽使匈奴中郎將杜崇討之

十一月護烏桓較尉任尚率烏桓鮮卑大破逢侯

闕

十三州志云護烏桓擁節秩比二千石武帝置以護內侍烏桓既而并於匈奴中郎將中與初班彪上言宜復此官以招附東胡於是復更置焉馮柱遣兵追擊復之武陵漚中

蠻叛郡兵討平之

八年五月南匈奴右溫禺犢王叛為寇七月行度遼將軍龐奮越騎較尉馮柱追討斬右溫禺犢王

是年眾羌擊破隴西兵殺大夏長遣行征西將軍劉尚越騎較尉趙代副將北軍五營黎陽雍營三輔積射及邊兵羌胡三萬人討之

九年三月遣西域將兵長史王林發涼州六部兵及羌虜胡二萬餘人以討車師後部王涿鞮獲首虜千餘人涿鞮入北匈奴漢軍追擊破之立涿鞮弟農奇為王

七月燒當羌寇隴西殺長史遣行征西將軍劉尚越騎較尉趙世等討破之

十二年四月日南象林蠻夷二千餘人寇掠百姓燔

燒官寺郡縣發兵討擊斬其渠帥餘眾乃降

十三年二月西羌迷唐復將兵向塞護羌校尉周鮪

與金城太守侯霸及諸郡兵屬國湟中月氏諸隴西

牢姐羌合三萬人出塞至允川與迷唐戰周鮪還營

自守惟侯霸兵陷陳斬首四百餘級羌眾折傷種人

至解降者六千餘口分徙漢陽安定隴西迷唐遂弱

其種眾不滿千人遠踰四支河首依發羌居

十四年四月遣使者督荊州兵討巫蠻破降之

安帝永初三年十月南單于叛圍中郎將耿种於美

稷遣車騎將軍何熙度遼將軍梁懂等討之明年正

月破之於屬國故城

一云三年夏漢人韓琮隨南單于擅入朝既還說南單于云聞

東水漬人民饑餓死盡可擊也單于信其言遂起兵

反叛攻中郎耿种於美稷秋處卒冬遣行車騎將軍

何熙副中郎龐雄擊之四年春廩遣單于騎寇常山

中山以西域較尉梁懂行度遼將軍與遼東太守耿

夔擊單于單于見諸軍並進大恐怖願請韓琮川汝

言漢人死盡今是何等人也乃遣使乞降許之單于

脫帽徒跣對龐雄等拜陳道死罪於是赦之遇待如

初乃還所斂漢民男女及羌所畧轉賣入匈奴中者

萬餘人

五年九月先零諸種羌攻陷上邦城

七年七月護羌校尉侯霸騎都尉馮賢討破先零羌

元初二年三月先零羌寇益州詔遣中郎將尹就討

之

十二月武陵澧中蠻叛州郡擊破之

又云元初二年澧中蠻以邵縣

徭稅大半懷怨憾遂結克中諸種二千餘人攻

城殺長吏州郡募五里蠻夷六亭兵擊破之

二年正月蒼梧鬱林合浦蠻夷反叛二月遣侍御史

任遠督州郡兵討之

五月武陵蠻夷叛州郡討破之

又云是年秋澧中蠻四千人並為盜賊又

零蠻羊孫陽湯等千餘人著赤幘稱將軍

燒官寺鈔掠百姓州縣募善蠻討平之

是月度遼將軍鄧遵率南匈奴擊先零羗於靈州破

之

六月中郎將任尚將羽林緹騎五營子弟三千五百

人屯三輔尚遣兵擊破先零羗於丁奚城十二月尚

又遣假司馬募陷陣士擊零昌於北地殺其妻子得

牛馬羊二萬頭燒其廬落親斬首七百餘級得僭號

文書及所假諸將印綬

四年十二月中郎將任尚將諸郡兵與馬賢並進北

地擊狼莫賢先至安定青石崖狼莫逆擊敗之會尚

兵到高平因合勢俱進狼莫等引退乃轉營追之至

北地相持六十餘日戰於富平河上大破之斬首五

千級還得所畧人男女千餘人牛馬駟羊駱駝十餘

萬頭狼莫逃走

五年正月越嶲夷以卷夷大牛種等反叛末昌益州

蜀郡夷皆叛應之破壞二十餘縣詔益州刺史張喬
選堪能從事討之喬遣從事楊竦將兵至牂榆擊之
斬首三萬餘級

六年春姐種與隗西種羌號良等通謀欲反護羌
校尉馬賢逆擊之於安胡斬號良及種人數百級餘皆
降散

七月鮮卑寇馬城在今朔州度遼將軍鄧遵率南單于擊

破之

建光元年正月幽州刺史馮煥率二郡太守討高句

麗滅貊不尅又云元初五年句麗復與濊貊寇玄菟
攻華臺城建光元年春幽州刺史馮煥

玄菟太守遼東太守蔡諷等將兵出塞擊之捕斬濊
貊渠帥獲兵馬財物其秋句麗又率馬韓濊貊數千
騎圍玄菟扶餘王遣子尉仇台將二萬餘人與州郡并力討破之斬首五百餘級

延光元年七月度人種羌與上郡胡反叛攻穀羅城
屬西河郡度遼將軍耿夔將諸郡兵及烏桓騎赴擊破之

二年正月旄牛夷叛寇靈開殺縣令靈開道屬益州
赴雋郡

刺史屬郡西部都尉討之

三年五月南匈奴左日逐王叛使匈奴中郎將馬冀
討破之時烏稽侯尸逐鞮單于新降一部大人阿族
等遂反叛脅呼尤徽欲與俱去呼尤徽曰我老矣受
漢家恩寧死不能相隨衆欲殺之有救之者得免阿

族等遂將妻子輜重亡去翼遣兵與胡騎追擊破之
斬首及自投河死者殆盡殆近也死盡獲馬牛羊萬

餘頭

四年西域長史班勇擊車師後王軍就初末寧元年
軍就反叛殺後部司馬及燉煌行事至是大破斬之
順帝末建元年二月隴西種羌叛護羌校尉馬賢將
七千餘人戰于臨洮斬首千餘級皆率衆人降自是

涼州無事

二年二月鮮卑寇遼東玄菟護烏桓校尉耿种率南
軍于擊破之

六月西域長史班勇燉煌太守張朗討焉耆尉犁危
須三國破之

陽嘉元年燉煌太守徐繇遣疏勒王臣槃發二萬人
擊于闐先是永建四年于闐王放前殺拘彌王與自
立其子為拘彌王而遣使者貢獻於漢繇上言求討
之帝赦于闐罪令歸拘彌國放前不肯至是繇討破
之斬首數百級放兵大掠更立與宗人成國為拘彌
王而還

二年三月使匈奴中郎將王綱率左骨都侯等擊鮮
卑破之

三年四月車師後部司馬幸後部王加特奴等掩擊
匈奴大破之獲其季母

七月鍾羗良封等寇隴西漢陽護羗校尉馬續擊破
之斬首千八百級獲馬牛羊五萬餘頭後進擊鍾羗
且昌且昌等詣涼州降
永和二年二月廣漢屬國都尉擊白馬羗斬首六百
餘級初羗攻破屯官反叛連年至是破之護羗校尉
馬賢又擊斬其渠帥饑指鬼祖等二百級於是隴右
復平

二年十月燒當種耶離等二千餘騎突金城塞馬賢

將兵赴擊斬首四百餘級獲馬千四百匹

是年冬豐中漚中蠻二千人圍充城八千人寇夷道

遣武陵太守李進討破之

四年四月馬賢討燒當大破之斬耶離獲首虜千二
百餘級

五年四月南匈奴左部句龍大人吾斯車紐等叛圍

美稷度遼將軍馬續討破之

九月且凍傳難種羗等反叛攻金城與西塞及湟中
雜種羗胡大寇三輔殺害長吏發京師近都及諸州
兵討之拜李賢爲征西將軍以騎都尉耿叔副將左

右羽林五較士及諸州郡兵十萬人屯漢陽又於扶風漢陽作塢壁三百所置屯兵以保聚百姓且凍分遣種人寇武都燒隴關掠死馬金越與西秦及武中十一月匈奴中郎將張耽將幽州烏桓諸郡營兵擊畔虜車紐等戰於馬邑斬首三千級獲生口及兵器牛全甚衆車紐等將諸豪帥骨都侯乞降六年正月東西羌大合鞏唐羌種三千餘騎寇隴西遣中郎將龐浚募勇士千五百人頓美陽為涼州援武都太守趙冲追鞏唐羌斬首四百餘級得馬牛羊駝萬八千餘頭羌二千餘人降

五片使匈奴中郎將張耽大破烏桓羌胡於天山

云一

耽將吏兵繩索相懸上通天山又是年征西將軍馬賢將五六千騎擊且凍難種羌等到射姑山賢軍敗

漢安二年四月護羌較尉趙冲與漢陽太守張賁擊

燒當羌於參蠻破之

參蠻屬安安郡

先是元年罕種羌率邑

落五千餘戶詣冲降惟燒何種三十餘落據參蠻北

界至是掩擊之斬首千五百級得牛羊駝十八萬頭

閏十月趙冲擊諸種斬首四千餘級復追擊於河陽

縣名屬天水郡斬首八百級於是諸種前後詣涼州刺史降

建康元年三月護羌從事馬玄為諸羌所誘時羌眾

亡出塞領護羌較尉衛琚追擊玄等斬首八百餘級

得牛馬二十餘萬頭

四月使匈奴中郎將馬實擊南匈奴左部破之於是胡羗烏桓悉詣實降

桓帝建和二年白馬羗寇廣漢屬國殺長史是時西羗及湟中胡復叛為寇益州刺史率板楯蠻討破之永壽元年七月南匈奴左臺且渠伯德等叛寇美稷安定屬國都尉張奐討除之

三年四月九真蠻夷叛太守兒式討之戰沒遣九真都尉魏朗擊破之

延熹元年十二月鮮卑寇邊使匈奴中郎將張奐率南單于擊破之

二年十二月燒當等入種羗叛寇隴右護羗較尉段

熲追擊於羅亭破之

一云追到積石山即羅亭相近今在鄯州

三年閏正月燒當羗叛寇張掖護羗較尉段熲追擊於積石山大破之

十一月勒姐羗圍允街段熲擊破之

四年十月先零沈氏羗與諸種羗寇并涼二州

十一月中郎將皇甫規監關西兵擊破之斬首八百級降者十餘萬

五年七月烏吾羗寇漢陽隴西金城諸郡兵討破之

八月武陵蠻叛寇長沙十月寇江陵以太嘗馮鯤為車騎將軍討之十一月大破於武陵

七年十月護羌校尉段熲擊當煎羌破之

八年二月段熲擊罕姐羌破之

六月段熲擊當煎羌於湟中大破之

今鄯州湟水縣

九年六月南匈奴及烏桓鮮卑分騎數萬人入緣邊

九郡並殺掠吏人七月遣匈奴中郎將張奐擊之鮮

卑乃出塞去南匈奴烏桓率眾詣奐降

永康元年正月先零羌寇三輔使匈奴中郎將奐破

平之當煎羌寇武威護羌校尉段熲追擊於鸞鳥大

破之

鸞鳥縣名屬武威郡

十月先零羌寇三輔中郎將張奐擊破之

靈帝建寧元年七月破羌將軍段熲復破先零羌於

涇陽

縣名屬安定郡

二年七月段熲大破先零羌於射虎塞外谷東羌悉

平

九月江夏蠻叛州郡討平之

是年玄菟太守耿臨討高句麗斬首數百級其王伯

固降服乞屬玄菟

熹平五年益州郡諸夷反叛執太守雍陟遣御史中

丞朱龜討之不能尅太尉掾巴郡李頤建策討伐乃拜頤益州太守與刺史龐芝發板楯蠻擊破平之還得雍陟頤卒後夷人復叛以廣漢景毅為太守討平之

光和二年十月巴郡板楯蠻叛遣御史中丞蕭瑗督益州刺史討之

中平三年十月武陵蠻叛守郡界郡兵討破之

五年十一月巴郡板楯蠻叛遣上軍別駕司馬趙瑾討平之

獻帝建安十二年八月司馬曹公大破烏桓於柳城

斬其蹋頓

蹋頓匈奴王柳城今營州縣

時蹋頓驍武邊長老皆比

之冒頓恃其阻遠敢受亡命以雄百蠻公潛師北伐出其不意一戰而定夷狄懾服威振遠邇烏桓之衆服從征討而邊民得用安息初公屯北平三郡烏桓五月至無終七月大水傍海道不通田疇請為鄉導公從之引軍出盧龍塞塞外道絕不通乃塹山堙谷五百餘里經白檀歷平剛涉鮮卑庭東指柳城未至二百里虜乃知之尚與蹋頓遼西單于樓班右北平單于能臣抵之等將數萬騎逆軍八百里登白狼山卒與虜遇衆甚盛公車重在後被甲者少左

右皆懼公登高望虜陣不整乃縱兵擊之使張遼爲先鋒虜衆大潰斬蹋頓其名王已下胡漢降者二十餘萬口遼東單于速僕丸及遼西北平諸豪棄其種人與尚熙奔遼東衆尚有數千騎

二十三年四月代郡上谷烏桓無臣氏等叛魏王曹公遣鄴陵侯彰討破之

魏文帝黃初二年十一月鎮西將軍曹真命衆將及州郡兵討破叛胡治元多盧水封賞等斬首五萬餘級獲生口十萬羊一百一十一萬口牛八萬河西遂

平

六年三月并州刺史梁習討鮮卑軻比能大破之

明帝青龍元年六月保塞鮮卑大人步度根與叛鮮卑大人軻比通私通并州刺史畢軌表輒出軍以外威比能內鎮步度根帝省表曰步度根以爲比能所誘有自疑心今軌出軍適使二郡驚合爲一何所威鎮乎促勅軌以出軍者慎勿越塞過句注也比詔書到軌已進軍屯陰館遣將軍蘇尚董弼追鮮卑比能遣子將千餘騎迎度步根部落與尚弼相遇戰于樓煩二將沒步度根部落皆叛出塞與比能合寇邊帝遣驍騎將軍秦朗將中軍討之虜乃走漢北比能將

其部衆降是後帝乃聽王雄遣劍客刺之然後種落離散互相侵伐強者遠遁弱者請服是邊隣益安漢南少事雖時頗鈔盜不能復相扇動矣

景初元年秋遣幽州刺史毋丘儉率衆軍討遼東右北平烏丸單于寇婁敦遼西烏丸都督率衆王護留等昔隨袁尚奔遼西間儉軍至率衆五千餘人降寇婁敦遣弟阿羅槃等詣闕朝貢封其渠帥三十餘人為王侯

齊王正始七年二月幽州刺史毋兵儉討高句麗五月討濊貊皆破之韓那奚等數十國各率種落降八年隴西南安金城西平諸羌餓阿焯戈伐同蛾遮

塞等相結叛亂攻圍城邑南詔蜀兵涼州名胡治無載復叛應之討蜀護軍夏侯霸諸軍屯爲超時雍州刺史郭淮軍始到狄道議者僉謂宜先討定抱罕內平惡羌外折賊謀淮策蜀將姜維必來攻霸遂入瀘中轉南迎霸維果攻爲超會淮軍適至維遁退進討叛羌斬餓阿焯戈降服者萬餘落九年遮塞等屯河關白土故城據河拒軍淮見形上流密於下渡兵據白土城擊大破之治無載圍武威家屬留在西河淮進軍趣西海欲掩取其累重會無載折還與戰於龍夷之北破走之令居西虜在石頭山之西當大道止

冊府元龜 征討二 卷之九十九

斷絕王使淮遠過討大破之

冊府元龜

冊府元龜

淮南李嗣京參閱

西極文翔鳳訂正

豫章黃國琦較釋

外臣部

十九

征討第三

蜀後主建興三年三月丞相諸葛亮率眾南征越嶲

夷王高定遂至滇池南中平皆即其渠率而用之

八年丞相叅軍領益州治中從事馬忠督將軍張嶷

等討汝山郡叛羗疑別督數營在先至佗里邑所在

冊府元龜 外臣部

卷之九十九

高峻窳隨山立上四五里羗於要厄作石門於門上施牀積石于其上過者下石槌擊之無不糜爛窳度不可待攻乃使譯先曉之曰汝汝山諸種反叛傷害良善天子命將討滅惡類汝等若稽顙過軍資給糧費福祿永隆其報百倍若終不從大兵致誅雷擊電下雖追悔之亦無益也耆帥得命卽出詣窳給糧過軍軍前討餘種聞佗里已下悉恐怖失所或迎軍出降或奔窳山谷放兵攻擊以克捷

十一年南夷豪帥劉冑反擾亂諸郡以馬忠爲庾降都督討之忠遂斬冑于南土

延熙三年春使越雋太守張嶷平定越雋郡初越雋自丞相諸葛亮討高定之後叟夷數反殺太守龔祿焦贛是後太守不敢之郡只住安定縣去郡八百里其郡徒有名而已時論欲復舊郡除嶷爲越雋太守嶷將所領往之郡誘以恩信蠻夷皆服頗來降附北徼捉馬最驍勁不承節度嶷乃往討生縛其帥魏狼又解縱吉喻使招懷餘類諸種聞之多漸降服斯都耆帥李求承昔手殺龔祿嶷求募捕得數其宿惡而誅之

十年汶山平康夷反衛將軍姜維往討破平之

吳大帝黃龍三年二月遣太嘗潘濬率眾五萬討武陵蠻夷

嘉禾三年潘濬平之

又云潘濬太嘗五溪蠻夷叛亂假節督諸軍討之自是群蠻衰弱一

方寧

赤烏二年十月將軍薛祕南討夷賊

晉武帝太始六年六月秦州刺史胡烈擊破虜戰死之詔遣尚書石鑿行安西將軍都督秦州諸軍事與奮威護軍田章討之

七年匈奴單于猛叛屯孔邪城帝遣婁侯何植持節討之植素有志畧以猛眾凶悍非少兵所制乃潛誘

猛左部督李恪殺猛於是匈奴震服積年不敢復反

十年八月涼州虜寇金城諸郡鎮西將軍汝陰王駿

討之斬其帥乞文泥等

咸寧元年六月戊巳較尉馬循討叛鮮卑破之斬其

渠帥

二年二月并州虜犯塞監并州諸軍事胡奮擊破之

五月鎮西大將軍汝陰王駿討北胡斬其渠帥吐敦

七月鮮卑阿羅多等寇邊西域戊巳較尉馬循討之

斬首四千餘級獲生口九千餘人於是來降

三年正月使征北大將軍衛瓘討鮮卑破之二月平

虜護軍文淑討叛虜樹機能破之

五年正月虜帥樹機能攻陷涼州使討虜護軍武威

太守馬隆擊之十二月大破斬之涼州平

穆帝永和五年四月征南大將軍桓溫遣督護滕駿

率交廣之兵伐林邑國王范文於虜容

為四年文冠九真也

九年三月交州刺史阮敷討林邑范佛於日南破其

五十餘壘

范佛文之子嗣其父位

升平三年十二月交州刺史溫放之帥兵討林邑參

黎耽潦並降之

一云廣州刺史滕舍伐林邑范佛詣降與盟而退

宋高祖永初元年交州刺史護國將軍杜慧度率文

武萬人南討林邑所殺過半前後被抄畧悉得還本

林邑乞降輸生口大象金銀吉貝等乃釋之遣長史

江悠奉表獻捷

文帝元嘉十九年五月龍驤將軍裴方明等伐氏寇

仇池

二十三年六月交州刺史檀和之伐林邑寇之初帝

以林邑雖貢奉而寇盜不已所貢亦陋薄忿其違傲

使和之及振武將軍宗慤伐之和之遣司馬蕭景獻

為前鋒向區粟城其王陽邁遣大帥范扶龍戍區粟

城景獻攻城尅之斬扶龍獲金銀雜物不可勝計追

討卽尅林邑陽邁父子並挺身奔逃凡所獲塚異皆
是未名之寶

孝武帝大明四年十月遣司空沈慶之討沿江蠻
南齊太建元年南襄城蠻秦遠寇潼陽北上黃
蠻文勉德寇汝陽荊州刺史豫章王遣中兵叅軍劉
任緒領十人討勉德至當陽降之

武帝永明十年武都王楊集始反率氐蜀雜種寇漢
川涼州刺史陰智伯遣軍主寧朔將軍桓盧奴梁季
郡宋王士隆等千餘人拒之不利退保白馬賊衆萬
餘人縱兵火攻其城柵盧奴拒守死戰智伯又遣軍

主陰仲昌等馬步數千人救援至白馬城東千畝橋
相去數里集始等悉力攻之官軍內外奮擊集始大
敗十八營一時潰走殺獲數千人集始奔入虜界
後魏道武天興元年七月漁陽烏丸庫偃官韜聚黨
爲寇詔冠軍將軍王建討平之

二年三月丙子遣建義將軍庾真越騎校尉奚斤討
庫狄部帥葉赤宥連部帥竇羽泥於大渾川破之庫
狄勒支子沓亦于率其部落內附真等進破侯莫陳
部獲馬牛羊十餘萬頭追殄遺迹并入大峨谷

四年十二月辛亥詔征西大將軍嘗山王遵等率衆

五萬討破多蘭部木易干村官將軍和突率騎六千
襲黜佛素古延等諸部

六年十月丁巳詔將軍伊謂率騎二萬北襲高車十
一月大破之

明元永興二年正月詔南平公長孫嵩等北伐蠕蠕

為元年冬犯塞五月
聞帝親征乃遁走

五年四月車駕西巡詔左丞相奚斤為先驅討越勤

部勤一作勒於鹿那山大破之獲馬五萬匹牛羊二十萬

頭徙二萬餘家而還

泰嘗元年十月徙河部落庫儂官斌元降後復叛歸

北燕馮跋驍騎將軍延普渡濡水討擊斬斌大破之

及獲馮跋幽州刺史漁陽公庫儂官昌征北將軍閼

內侯庫儂官提等首生擒庫儂官女生縛送京師幽

州平

三年正月詔護高車中郎將薛纂率高車丁零十二

部大人衆北畧至弱水降者二千餘人獲馬牛羊二

萬餘頭

太武始光元年八月蠕蠕率六萬騎入雲中殺掠吏

民攻陷盛樂官赫陽子尉普文率輕騎討之虜乃退

走詔安集將軍平陽王長孫翰率北部諸將尉眷自

彖合以北擊大檀別帥阿伏干於祁山斬首數千級
獲馬萬餘匹十二月遣平陽王長孫翰等討蠕蠕車
駕次祁山蠕蠕北遁諸軍追之大獲而還

神麀元年閏十月定州丁零鮮于臺陽翟喬等二千
餘家叛入西山劫掠郡縣州兵討之失利詔鎮南將
軍壽光侯叔孫建擊之

二年八月帝以東部高車屯已厄陂詔左僕射安原
率騎萬餘討之

三年四月勅勒萬餘落叛走詔尚書封鐵追討滅之
延和二年三月金當川率其衆圍西川侯彭文暉於

陰密詔征西大將軍嘗山王素討獲當川斬之於長
安以狗

七月命諸軍討山胡白龍于西河九月戊子尅之斬
白龍及其將帥屠其城

大延二月五月仇池氏楊難當竊據上邦七月庚戌
詔驃騎大將軍樂平王丕等督河西高平諸軍討之

九月以難當
攝上邦守

三年七月使撫軍大將軍永昌王徤司空上黨王長
孫道生討山胡白龍餘黨於西河滅之

太平真君六年八月征西大將軍高涼王那等討吐

谷渾慕利延軍到曼頭城慕利延驅其部落西渡流沙那急追故西秦王慕世子被囊破之中山公杜豐迎度三危至雪山擒被囊及慕利延元子什歸熾盤子成龍送於京師慕利延遂西入于闐國

九年九月成周公萬度千里驛上大破焉耆國其三鳩尸畢那奔龜茲

十二月詔成周公萬度歸自焉耆西討龜茲

文成大安二年二月丁零數千家亡匿井陘山聚爲寇盜詔定州刺史許宗之并州刺史乞佛成龍討平之

八月平西將軍漁陽公尉眷北擊伊吾尅其城大獲而還

和平元年二月衛將軍樂安王良督東雍吐京六壁諸軍西趣河征西將軍皮豹子等督河西諸軍南趣石樓以討河西叛胡

六月甲午詔征西大將軍陽平王新城等督統萬高平諸軍出南道南郡公李惠等督源州諸軍出北道討吐谷渾什寅

八月西征諸軍至西平什寅走保南山九月諸軍濟河追之遇瘴氣多有疾病乃引軍還獲畜二十餘萬

三年六月諸將軍陸真討雍州叛氏仇偁檀大破之
五年七月北鎮游軍大破蠕蠕

獻文皇興四年二月吐谷渾什寅不供職貢詔使持
節征西大將軍上黨王長孫觀討之軍至曼頭山大
破什寅什寅與麾下數百騎宵遁什寅從弟豆勿來
及其渠帥匹婁拔累等率所領降附

孝文延興元年十月沃野統萬二鎮勅勒叛詔太尉
隴西王元賀追擊至枹罕滅之斬首三萬餘級徙其
遺逆於冀定相三州爲營戶

二年正月統萬鎮胡民相率北叛詔寧南將軍交趾

公韓拔追滅之

三年四月詔假司空上黨王長孫觀等征吐谷渾什
寅

十月武都王反攻仇池詔長孫觀回師討之

太和元年十二月蠕蠕犯塞詔任城王澄率衆討之
十四年四月地豆干頻犯塞征西大將軍陽平王贖
擊走之

十六年八月詔陽平王贖左僕射陸叡督十二將七
萬騎北討蠕蠕

二十年閏十一月右將軍元隆大破汾州叛胡

二十二年八月勅勒櫛者相率反叛詔平北將軍江陽王繼都督北討諸軍事以討之

宣武景明三年三月魯陽蠻叛詔撫軍將軍李崇討之

四年十二月詔鎮南李崇討東荆反蠻明年崇大破諸蠻帥樊安

正始二年十一月武興國王楊紹先叔父集起謀反詔光祿大夫楊椿討之十二月又詔驃騎大將軍源

懷慎令討武興反氏
三年正月梁秦二州刺史邢巒連破氏賊尅武興

是日

楊集起兄
弟相率降

永平三年二月秦州隴西羌殺鎮將趙雋阻兵反叛州軍討平之

孝明以延昌四年正月卽位四月梁州刺史薛懷古破反氏於沮水

五月南秦州刺史崔暹擊破氏賊解武興圍

正光四年二月蠕蠕主阿那環率眾犯塞遣尚書右丞相元孚持節喻之阿那環執孚驅掠畜牧北遁詔驃騎大將軍尚書令李崇中軍將軍兼尚書右僕射

元纂率騎十萬討蠕蠕出塞三千餘里不及而還

五年十二月汾州正平陽山胡叛逆詔復征東將軍章武王融封爵為大都督率眾討之

孝昌元年十二月以臨淮王彧為征南大將軍率眾討魯陽蠻

三年三月西部勅勒斛律維陽反於桑乾西牧子通連別將爾朱榮擊破之

五月以安西將軍光祿大夫宗正珍孫為都督討汾州反胡

出帝永熙三年正月天柱大將軍高歡討費也頭於河西苦洩河大破之獲其帥統豆陵伊利遷其部落

於內地

二月東梁州為民夷侵逼詔使持節車騎大將軍行東雍州事泉企為東梁州行臺都督以討之

西魏文帝大統七年三月襲胡帥夏州刺史劉平伏據上郡叛遣開府于謹討平之

恭帝元年四月茹茹乙旆達官寇廣武遣柱國趙貴追擊之斬首數千級收其輜重而還十一月柱國于

謹既平江陵諸蠻騷動詔豆盧寧蔡祐等討破之東魏孝靜太平二年正月齊神武為大丞相柱國大

將軍襲擊中山胡劉蠡升大破之三月神武欲以女

妻彘升太子候其不設備乃潛師襲之其北鄙王斬
蠡升首以送其衆復立其子南海王神武擊之又獲
南海王及其弟西海王北海王皇后公卿以下四百
餘人胡魏五萬戶

十一月齊神武討山胡叛平之俘獲一萬餘戶口分
配諸州

北齊文宣天保三年正月帝親討庫莫突於代郡大
破之獲雜畜十餘萬分賚將士各有差以奚口付山
東爲民

四年九月契丹犯塞帝北巡冀定幽安仍北討十月
丁酉帝至平州遂從西道趣長塹詔司徒潘相樂帥
精騎五千自東道趣青山辛丑至白狼城壬寅終昌黎
城復詔安德王韓軌率精騎四千東趣斷契丹走路
癸卯至陽師水倍道兼行掩襲契丹甲辰帝親踰山
嶺爲士卒先指麾奮擊大破之虜獲十餘萬口雜畜
數十萬頭樂又于青山大破契丹別部所虜生口皆
分置諸州十二月突厥攻茹茹茹舉國南奔帝自
晉北討突厥迎納茹茹乃廢其主庫提立阿那環子
菴羅辰爲主置之馬邑川給其廩餼繒帛親退突厥
於朔州突厥請降許之而還於是貢獻相繼

五年正月帝討山胡從離石道遣太師咸陽王斛律金從顯州道嘗山王從晉州道犄角夾攻大破之斬首數萬獲雜畜十餘萬遂平石樓石樓絕險自魏世所不能至於是遠近山胡莫不懾服

三月茹茹菴羅辰叛帝親討大破之辰父子北遁

四月茹茹寇肆州帝自晉陽討之至恒州黃瓜堆虜騎走時大軍已還帝率麾下千餘騎遇茹茹別部數萬四面圍逼帝神色自若指畫形勢虜衆披靡遂縱兵潰圍而出虜乃退走追擊之伏尸二十里獲菴羅辰妻子及生口三萬餘人

五月北討茹茹大破之

六月茹茹率部衆東徙將南侵帝率輕騎於金山下邀擊之茹茹聞而遠遁

六年六月帝親討茹茹諸軍大會於祁連池七月己卯帝頓白道留輜重親率輕騎五千追茹茹壬午及於懷朔鎮帝躬當矢石頓大破之遂至沃野獲其俟利藹然力婁阿嘗吐頭發郁久間拔延等并口二萬餘牛羊數十萬頭茹茹俟利郁久間李提率部人數百降

孝昭皇建元年十一月親戎北討庫莫奚長城處奔

遁分兵致討大獲牛馬括總入晉陽宮

武成河清三年四月衛將軍解律光率騎北討突厥
獲馬千餘匹

後周武帝天和元年九月信州蠻冉令賢向五子王
反詔開府陸騰討平之先是巴西人譙淹扇動羣蠻
以附於梁蠻帥向鎮侯向白彪等應之尋而冉令賢
向五子王又攻陷白帝殺開府楊長華遂相率作亂
前後遣開府元契趙剛等總兵出討雖破翦其族類
而元惡未除至是詔騰督王亮司馬裔等討之騰水
陸俱進次于湯口先遣諭之而令賢方增浚城池嚴

設并禦遣其長子西黎諭子南王領其支屬於江南
險要之地置立十城遠結涪陽蠻爲其聲援令賢率
其精卒固守水邏城騰乃總集將帥謀其進趣咸謂
先取水邏然後經畧江南騰言於衆曰令賢內恃水
邏金湯之險外託涪陽輔車之援兼復資糧克實器
械精新以我懸軍攻其巖壘脫一戰不克更成其氣
不如頓軍湯口先取江南翦其羽毛然後旋軍水邏
此制勝之計也衆皆然之乃遣開府王亮率衆渡江
旬日攻拔其八城凶黨奔散獲賊帥冉承公并生口
三千人降其部衆一千戶遂簡募驍勇數道入攻水

邏路經石壁城此城峻險四面壁立故以名焉惟有一小路緣梯而上蠻蠻以爲峭絕非兵衆所行騰被甲先升衆軍繼進備經危阻累日乃得舊路且騰先任隆州總管雅知蠻帥冉伯黎冉安西與令賢有隙騰乃招誘伯黎等結爲父子又多遣其金帛伯黎等悅遂爲鄉導水邏側又有石勝城者亦是險要令賢使其兄子龍真據之騰又密誘龍真云若平水邏使其代令賢處龍真大悅密遣其子詣騰騰乃厚加禮接賜以金帛蠻貪利旣深仍請立効乃謂騰曰欲翻所據城恐人力寡少騰許以三百兵助之旣而遣二

千人銜枚夜進龍真力不能禦遂平石勝城晨至水邏蠻衆大潰斬首萬餘級虜獲一萬口令賢遁走追而獲之并其子弟等皆斬之司馬裔又別下其二十餘城獲其蠻帥冉三公等騰乃積其骸骨於水邏城側爲京觀後蠻蠻望見輒大號哭自此狼戾之心輟矣

六年四月信州蠻渠冉祖喜冉龍驤舉兵反詔大將軍趙闇率師討平之

建德五年二月詔皇太子巡西土因討吐谷渾六年十一月稽胡反遣齊王憲率軍討平之初五年

帝敗齊師於晉州乘勝逐北齊人所棄甲仗未暇收
歛稽胡乘間竊出盜而有之乃立劉懿升孫沒鐸為
主號聖武皇帝年曰石平時帝定東夏討之議欲窮
其巢穴齊王以為種類既多又山谷阻絕王師一舉
未可盡除且當翦其魁首餘加慰撫帝然之乃以憲
為行軍元帥督行軍總管趙王招譙王儉滕王逌等
討之憲軍次馬邑乃分道俱進沒鐸遣其黨大和守河東大帥
穆支據河西規欲分守險要犄角憲軍憲命譙王儉攻天
柱滕王逌擊穆支並破之斬首萬餘級趙王招又擒
沒鐸餘衆盡降

宣帝宣政元年九月汾州稽胡帥劉受邏于舉兵反
詔上柱國越王咸為行軍元帥率衆討之
隋高祖開皇元年八月甲午遣行軍元帥樂安公元
諧擊吐谷渾于青海破而降之
二年四月大將軍韓僧壽破突厥于雞頭山上柱國
李克破突厥於河北山
六月李克破突厥於馬邑
十一月突厥沙鉢悉衆為寇縱兵自木破石門兩道
來寇武威天水安定金城上郡弘化延安六畜咸盡
帝赫怒下詔曰往者魏道衰弊禍難相尋周齊抗衡

分割諸夏突厥之虜俱通二國周人東慮恐齊好之深齊氏西虞懼周交之厚謂虜意輕重國遂安危非徒並有大敵之憂思減一邊之防竭生民之力供其來往傾府庫之財棄於沙漠華夏之地實爲勞擾猶復劫剝烽戍殺害吏民無歲月而不有也惡積禍盈非止今日朕受天明命子育萬方愍臣下之勞除旣往之弊以爲厚歛兆庶多惠豺狼未嘗感恩資而爲賊違天地之意非帝王之道節之以禮不爲虛費省徭薄賦國用有餘因入賊之物加賜將士息道路之民務於耕織清邊制勝成策在心凶醜愚暗未知深

旨將大定之日比戰國之時乘昔世之驕結今時之憾近者盡其巢穴俱犯北邊朕分置軍旅所在邀截望其深入一舉滅之而遠鎮偏師逢而摧剪未及南上遽已奔北應弦染鏑過半不歸且彼渠帥其數凡五昆季爭長父叔相猜外示彌縫內垂心腹世行暴虐家法殘忍東夷諸國盡挾私讎西戎群長皆有宿怨突厥之北契丹之徒切齒磨牙嘗伺其便達頭前攻酒泉其後于闐波斯挹怛三國一時卽叛沙鉢罽近趣周槃其部內薄孤束紇羅壽亦翻動往年利稽察大爲高麗靺鞨所破婆毗設又爲紇支可汗所殺

與其爲隣皆願誅勦部落之下盡異純民千種萬類
仇敵怨偶泣血拊心銜悲積憾圓首方足皆人類也
有一於此更切朕懷彼地咎徵妖作年將一紀乃獸
爲人語人作神言云其國亡訖而不見每冬雷震觸
地火生種類咨給惟藉水草去歲四時竟無雨雪川
枯蝗暴草木燒盡饑疫死亡人畜相半舊居之所赤
地無依遷徙漠南偷存畧刻斯蓋上天所忿駟就齊
斧幽明合契今也其時故選將治兵羸糧聚甲義士
奮發壯夫肆憤願取名王之首思撻單于之背雲歸
霧集不可數也東極滄海西盡流沙縱百勝之兵橫

萬里之種亘朔野而追躡望天涯而一掃此則王恢
所說其猶射雍何敵能當何遠不服但皇王舊迹北
止幽都荒遐之表文軌所棄得其地不可而居得其民
不忍皆殺無勞兵革遠規溟海諸將令行義兼舍育
有降者納有違者死異域殊方被其摧抑放聽復舊
廣闢邊境嚴治關塞使其不敢南望永服威刑卧鼓
息烽斃勞終逸制禦夷狄義在斯乎何用侍子之朝
寧勞涓橋之拜普告海內知朕意焉於是以河間王
弘上柱國豆盧勣竇榮定左僕射高顯右僕射虞慶
則并爲元帥出塞擊之沙鉢略率阿波貪汗二可汗

冊元記 征討三 卷之九百八十四
等來拒戰皆敗走遁去時虜饑甚不能得食于是粉
骨爲糧又多災疫死者極衆

三年四月衛王爽破突厥於白道

五月癸卯行軍總管李晃破突厥于座那渡口壬戌
行軍元帥竇榮定破突厥及吐谷渾于涼州

六月行軍總管梁遠破吐谷渾於爾汗出山斬其名
王

八月遣尚書左僕射高頴出寧州道內史監虞慶則
出原州道並爲行軍元帥以擊胡

十七年二月太平公史萬歲擊西寧羗平之

十八年二月以漢王諒爲行軍元帥率水陸三十萬
伐高句麗九月遇疫而還

是年突厥雍虞閭數爲邊患詔蜀王秀出靈州道以
擊之

十九年四月達頭可汗犯塞遣八軍總管史萬歲擊
破之是年遣漢王諒爲元帥左僕射高頴率將軍王
瑒上柱國趙仲卿並出朔州道右僕射楊素率柱國
李徹韓僧壽出靈州上柱國燕榮出幽州以擊突厥是
時啓民可汗歸朝帝於朔州築大利城以居之雍虞
閭又擊之帝復令入塞雍虞閭侵掠不已遂遷於河

南在夏勝二州之間發役掘塹數百里東西拒河盡
為啓民畜牧之地於是遣越國公楊素出靈州行軍
總管韓僧壽出慶州太平公史萬歲出燕州大將軍
姚辨出河州以擊都藍師未出塞而都藍為其麾下
所殺達頭自立為步迦可汗其國大破遣太平公史
萬歲出朔州以擊之遇達頭於大斤山虜不戰而遁
追斬首虜二千餘人

二十年四月突厥犯塞以晉王煬帝也為行軍元帥擊
破之

仁壽元年正月突厥寇恒安遣柱國韓洪擊破之洪
復為虜所敗於恒安廢為庶人詔楊素為雲州道行
軍元帥率啓民可汗北征斛薛薛等諸姓初附於啓
民至是而叛素軍河北值突厥阿勿思力侯斤等南
度掠啓民男女六千口雜畜二十餘萬而去素率上
大將軍梁默輕騎追之轉戰六十餘里大破侯斤悉
得人畜以歸啓民素又遣柱國張定和領軍大將軍
劉昇別路邀擊并多斬獲而還兵既定渡河賊復掠
啓民部落素率驃騎范貴於窟結谷東南奮擊復破
之追奔八十餘里

煬帝大業元年四月大將軍劉方擊林邑破之初高

祖時天下無事群臣言林邑多奇實者仁壽末遣方
爲驩州道行軍總管率欽州刺史甯長真驩州刺史
李暈開府秦雄步騎萬餘及犯罪者數千人擊之其
王梵志率其徒乘巨象而戰方軍不利於是多掘小
坑草覆其上因以兵挑之梵志悉衆而陣方與戰僞
北梵志逐之至坑所其衆多陷轉相驚駭軍遂亂方
縱兵擊之大破之頻戰輒敗遂棄城而走方入其都
獲其廟主十八枚皆鑄金爲之蓋其有國十八葉矣
方班師梵志復其故地遣使謝罪於是朝貢不絕
四年七月左翼衛大將軍宇文述破吐谷渾於曼頭

赤水

五年五月吐谷渾主保覆袁州詔左屯衛大將軍張
定和往捕之定和挺身挑戰爲賊所殺亞將柳武建
擊破之斬首數百級

六年二月武貴郎將陳稜朝散大夫張鎮州擊琉球
破之獻俘萬七千口頒賜百官

七年二月詔以高麗高元獻失藩禮將欲問罪遼左

車具帝
王親征

冊府元龜 卷之九百六十一

冊府元龜

淮南李嗣京參閱

西極文翔鳳訂正

豫章黃國琦較釋

外臣部 三十

征討第四

唐高祖武德三年九月遣長平王叔良討叛胡平之
四年九月突厥寇并州遣左屯衛大將軍竇琮左武
侯大將軍桑顯和率師以禦之是月又寇梁州遣行
軍總管尉遲敬德太子內率上官懷仁擊之是月靈

冊府元龜 外臣部 卷之九百六十一

丹元紀 征討四
州總管楊師道擊突厥大破之斬首三百餘級獲馬一千餘匹

十一月靈州總管劉旻擊叛胡劉企成大破之斬首二百級企成僅以身免其部落皆降

五年八月突厥寇邊九月交州刺史權中通弘州總管宇文歆靈州總管楊師道擊突厥於三觀山破之獲驢馬數千匹是月宇文歆復擊突厥於崇崗鎮大破之斬首千餘級定州司馬溫彥博驃騎魏道仁擊突厥於恒山之陽斬首數百級領軍將軍安興貴擊突厥於甘州大破之

是年并州大總管襄邑王神符擊突厥於汾東斬首五百級虜其馬二千匹汾州刺史蕭頡斬突厥五千餘級

七年正月始州反獠舉兵遣行臺僕射竇軌討之

四月通事舍人李鳳起擊萬州反獠並平之

五月吐谷渾寇松州遣益州行臺左僕射竇軌自龔州道扶州刺史蔣善合自芳州道擊之是月竇軌擊反獠于方山俘二萬餘口

六月隴州扶州獠作亂遣南尹州都督李光度擊平之

七月突厥寇原州遣寧州刺史鹿大師援之又遣靈州都督楊師道趨大木根山邀其歸路是月又寇隴州遣護軍尉遲敬德擊之

八年七月叛胡睦伽施攻武興八月左武侯將軍安修仁擊於且渠川破之

九年二月突厥寇原州遣折威將軍楊毛擊之

三月益州行臺尚書郭行方擊眉州叛獫狁之衆大破之進擊於洪雅二州俘男女五千口

太宗以武德九年八月即位是月突厥頡利寇高陵行軍總管尉遲敬德與戰于涇陽大破之獲其俟斤

阿史德烏沒毀斬首千餘級

是月請和許之

貞觀二年正月吐谷渾寇岷州都督李道彥擊走之執其名王二人俘斬七百餘級

三年十一月以行并州都督李勣為通漢道行軍總

管兵部尚書李靖為定襄道行軍總管華州刺史柴

紹為金河道行軍總管靈州大都督任城王道宗為

大同道行軍總管簡較幽州都督衛孝節為恒安道

行軍總管兼晉州都督薛萬徹為陽武道行軍總管

分道出師以擊突厥是月任城王道宗擊突厥于靈

州破之俘男女數百口雜畜萬餘計

十二月突利可汗及郁射設蔭

奈特勤等並帥所部來奔

四年正月李靖屯惡陽嶺夜襲定襄頡利驚擾因徙牙於磧口胡會康蘇密等遂以隋蕭后及楊正道來降

二月李靖次陰山擊頡利大破之滅其國復定襄恒安之地斥土界於大漠頡利計窘竄于鐵山兵尚數萬使虢失思力入朝謝罪請舉國內附帝遣鴻臚卿唐儉將軍安修仁持節安撫之頡利稍自安靖乘間襲擊大破之遂滅其國頡利乘千里馬獨騎奔於從姪沙鉢羅部落

三月大同道行軍副總管張寶相率衆奄至沙鉢羅營生擒頡利送於京師是月突厥思結部俟斤率衆四萬來降

四月李靖獻頡利可汗帝御順天樓盛陳文物士庶縱觀歸之有司帝數之曰汝父啓民之破也匹馬歸隋竟不能効一鏃之力汝次兄坐享富貴恣情暴虐酒色是耽至今父祖不獲血食爾罪一也與我隣國侵我邊疆失信忘義惟利是親爾罪二也恃兵馬之盛數興戎旅部落怨嗟僵尸徧路爾罪三也侵掠我子女殘暴我禾稼焚燒我村塢賊亂我華民爾罪四

也我忘爾宿惡憫爾同盟許爾和親復爾宗國遷延不來至於逃罪爾罪五也爾有死罪五焉今不殺爾者徒以清水結盟以來更不南寇爾頡利歡呼而退七年八月以右屯衛大將軍張士貴爲龔州道行軍總管以擊獠

八年正月張士貴討東西王洞反獠平之

十月左驍衛大將軍段志玄擊吐谷渾破之追奔八百餘里

十一月吐谷渾拘行人趙德楷詔曰朕嗣纂洪業思振至道端拱垂衣於茲九載式修文德寧謐區宇徼外若長海表曾渠無遠不庭無思不服而吐谷渾叢爾小蕃負固河右地不遠千里衆不盈一萬不量其力不恤其人肆情拒命抗衡上國朕每遣行人入蕃曉諭并引其使者臨軒戒勗示以善道勸以和親欲使境上無虞各安其業訓導積年凶頑未改剽掠邊鄙畧無寧息今上書傲狠拘我使人內外百僚華夷兆庶同心憤怨咸願誅討宜乘弔伐之機以展鷹鷂之志長駭尅期窮其巢穴罪止吐谷渾可汗昏老之主及天柱王一二邪臣自餘部落皆無所問夷凶息暴稱朕意焉

十一月以特進李靖爲西海道行軍大總管節度諸軍兵部尚書侯君集爲積石道行軍總管刑部尚書任城王道宗爲鄯善道行軍總管仍並爲靖副涼州都督李大亮爲且末道行軍總管岷州都督膠東郡公李道彥爲赤水道行軍總管利州刺史高甌生爲鹽澤道行軍總管九年正月黨項羌先內屬者皆叛歸吐谷渾三月高甌生擊破之

閏四月任城王道宗擊吐谷渾於庫山破之俘四百餘人李靖部將薛孤吳兒以輕銳破之于曼頭山斬其名王俘五百餘人大獲六畜以克軍糧李靖侯君集任城王道宗等又破於牛心堆又破於赤水源獲雜畜數萬計五月乙未侯君集任城王道宗追吐谷渾主及於烏海擊大破之薛萬均又破天柱王於赤海獲其雜畜三十萬計追至河源李大亮俘其名王一十人雜畜五萬計是月李靖平吐谷渾國于西海之上初王師以三月次于鄯州靖與諸將會議侯君集曰大軍已至賊徒尚未走險宜簡精銳長驅疾進掩其不虞可有大利此破竹之勢也若此策不行潛遁必遠山障爲阻窮討則難靖從之乃簡縛士馬輕

賫深入及庫山之捷可汗謀將入磧以避官軍道宗復曰柏海近河源古來罕有至者賊既西走未知的處今段之行實資馬力今馬疲糧少遠入爲難未若且向鄯州待馬肥之後更圖進趣君集曰不然段志玄曩者纔至鄯州賊衆便到城下良由彼國尚完兇徒用命今者一敗以後斥候亦絕君臣相失父子攜離乘其迫懼取同俯拾柏海雖遙便可鼓行而至也靖又然之於是衆分士馬以爲兩道靖與薛萬均李大亮等趣北路出曼頭山逾赤水涉青海歷河源且未窮其西境君集與道宗趣南路經途二千餘里行

空虛之地盛夏降霜多積雪山中有瘴氣歷破邏真谷其地無水將士食冰馬皆飲雪又行月餘日至星宿川達于柏海兩軍所至皆大尅將軍執失思力叉馳數百里別破虜于車茹川旋與靖會于大非川可汗長子大寧王順窮蹙計無所出乃斬其國相天柱王舉國來降可汗大懼與千餘騎遁于磧中衆消亡散能屬之者纔百騎十餘日竟爲其左右所殺七月鹽澤道行軍副總管劉德敏擊叛羗破之十二年八月吐蕃寇松州都督韓威戰敗闡州刺史別叢卧施諾州刺史杞利步利皆羗首也並以州叛

附于吐蕃以吏部尚書侯君集爲當彌道行軍大總
管右領軍大將軍執失思力爲白蘭道行軍總管右
武衛將軍牛進達爲活水道行軍總管右領軍將軍
劉簡爲桃源道行軍總管督步騎五萬以擊之

九月行軍總管牛進達及吐蕃戰于松州前後斬首
千餘級

十月均州山獠舉兵反遣桂州都督張寶德討平之
十一月明州山獠舉兵反遣交州都督李道彥討平
之

十二月右武侯將軍上官懷仁擊山獠于壁州大破
之虜男女萬餘口

十三年四月上官懷仁擊巴壁洋集四州反獠平之
虜男女六千餘口

十二月詔曰明罰勅法聖人垂懲惡之道命將出軍
王者成定亂之德故三苗負固虞帝所以興師鬼方
不恭殷宗所以薄伐朕嗣膺景命君臨區夏弘大道
於四海推至誠千萬類憑宗社之靈藉股肱之力億
兆獲乂尉候無虞建木棘林山經靡紀之域幽都大
夏王會不書之君莫不革面內款屈膝請吏襲冠帶
於魏闕均征賦於華壤而高昌麴文泰猶爲不軌敢

興異圖事上無忠款之節禦下逞殘忍之志往經朝
謁備加恩禮溪壑難滿曾無報效禽獸爲心遽懷凶
狡詔命之嚴稟承之誠旣闕王人之重祇敬之禮亦
虧自隋季道消天下淪喪衣冠之族疆場之人或寄
命諸戎或見拘寇手及中州旣定皇風遠肅人懷首
丘途經彼境皆被囚繫加之重役忍苦遐外控告無
所又伊吾之右波斯以東職貢不絕商旅相繼琛賚
遭其寇歎道路由其壅塞又西蕃突厥戰爭已久朕
愍其亂離志務安輯乃立啞利始可汗兄弟庶令克
復舊土文泰反道敗德幸災好禍間謀會豪交亂種

落遂使羶裘之長亟動干戈引弓之人重罹塗炭又
焉着之地與之臨接文泰疾其盡節輕肆凶威城池
有危亡之憂士女嬰劫掠之酷加以虐用其衆毒被
所部賞罰無章內外嗟怨繕造宮室勞役日興修營
輿輦僭侈無度法令深刻賦斂煩重舉手動足咸罹
網羅畜牧園菓悉有征稅衆力旣盡人財已竭饑寒
總至憤歎盈途比屋連薨不勝苛政故老兒童思霑
王澤朕命上玄爲人父母禁暴之道無隔內外納隍
之慮切於興寢錄其舊款仍懷愍念所以頻遣使人
具申朝旨勗以爲善之規示以自新之路庶知感悟

無煩師旅而昏迷遂性荒怠不悛貫盈之釁既稔天
亡之期已及况復文武具僚戎狄君長諸傳刃者相
屬懷逐雀者比肩宜順夷夏之心以申弔伐之典罰
凶渠之多罪極無辜之倒懸今遣交河行軍大總管
吏部尚書侯君集副總管兼左屯衛大將軍薛萬均
副總管左屯衛將軍薛孤吳兒行軍總管武衛將軍
牛進達等董率衆軍弘宣廟畧乘驛進路同會虜庭
莫不氣奪風雪精貫日月援桴懷憤拔距爭先良將
奮建瓴之威銳卒効貔貅之勇冀馬燕犀猶迅雷之
震擊雲梯地道若至神之變化以此制敵事等摧枯

以此屠城易於反掌然朕矜哀之心有懷去殺勝殘
之道無忘好生若文泰面縛軍門泥首請罪特弘焚
櫬之澤全其將盡之命自餘臣庶棄惡歸誠並加撫
慰令各安堵示以順逆之理布茲寬大之德如其同
惡相濟敢拒王師便盡大兵之勢以致上天之罰明
加曉諭稱朕意焉

十四年三月賓州道行軍總管黨仁弘擊羅竇反獠
破之俘七千餘口

八月交河道行軍大總管侯君集擊高昌破之初其
王文泰時過絕西域商賈太宗徵文泰入朝而稱

疾不至乃詔侯君集討之文泰聞王師將起謂其國人曰唐國去此七千里沙磧澗二十里地無水草冬風凍寒夏秋如焚風之所吹行人多死嘗行百人不
能得至安能致大軍乎若頓兵于吾城下二十日食必盡自然魚潰乃接而虜之何足憂也及軍至磧口而文泰卒其子智盛襲位君集率兵至柳谷候騎言文泰尅日將葬國人咸集諸將請襲之君集曰不可天子以高昌驩慢無禮使吾恭行天罰今襲人於墟墓之間非問罪之師也於是鼓行而前攻其地城賊嬰城自守君集諭之不行先是大軍之發也帝召山

東善爲攻城器械者悉遣從軍君集遂刊木填隍擁撞車撞其埤堦數丈湏穴拋車石擊其城中其所當者無不靡碎或張氊被用障拋石城上守陴者不復得立遂拔之虜其男女七千餘口仍進兵圍其都城智盛窮蹙致書於君集曰有罪於天子者先王也天罰所加身已喪背智盛襲位未幾不知所以憊闕冀尚書哀憐君集報曰若能悔禍宜束手軍門智盛猶不出因命士卒填其隍塹發拋車以攻之又爲十丈高樓俯視城內有行人及飛石所中處皆唱言之人多入室避石初文泰與西突厥欲谷設約有兵至共

爲表裏及聞君集至欲谷設懼而西走千餘里智盛失援計無所出遂開門出降君集分兵畧地遂平其國俘智盛及其將吏刻石紀功而還

十五年十一月薛延陀盡其甲騎并發同羅僕骨迴紇靺鞨雷等衆合二十萬卒一人馬四匹度漠屯白道川據善陽嶺以擊思摩之部思摩引其種落走朔州留精騎以戰延陀棄之及塞詔營州都督張儉統所部騎兵及奚霫契丹等壓其東境兵部尚書李勣爲朔州道行軍總管率兵六萬騎千二百屯朔方右衛大將軍李大亮爲雲州道行軍總管率兵四萬騎

五千屯靈武右屯衛大將軍張士貴率兵一萬騎七千爲慶州道行軍總管出雲中涼州都督李襲譽爲涼州道行軍總管以經畧之又遣右屯衛將軍姜行本率左右飛騎及左右衛引强者千人受李勣節度是月李勣擊延陀之衆破之初延陀次通漢川李勣領朔州延陀子大度設領三萬兵臨長城欲入擊突厥而思摩已南走知不可得乃遣人登長城而罵之因見大軍塵埃連天遽退告延陀先還而自將其衆走赤柯濼度青山道頗迂遠李勣選麾下騎突百六十皆驍悍敢死弱弓長稍自直道度設知不脫乃亘

十里而陳兵先是延陀擊沙鉢羅及阿史那社爾皆以步戰而勝及其將來寇也先講武於國中教習步戰每五人以一人經習戰陣者使執馬而四人前戰克勝卽授馬以追奔失於應接罪至於死沒其家口以賞戰人至是遂行其法突厥兵先合輒退延陀乘勝而逐之勦兵拒擊而延陀萬矢俱發傷其戰馬李勣乃令去馬步陣率長稍數百爲隊齊奮以衝之其衆潰散副總管薛萬徹率數千騎收其執馬者其衆失馬莫知所從因大縱擊斬首三千餘級獲馬萬五千匹甲仗輜重不可勝計會暮殺之不能盡人度設

跳身而遁萬徹將數百騎追之不及其餘衆又奔走相騰踐至漠北大雪馬疲不前人凍死者十八九先是延陀祭天祈雪我師不能逐及此自斃焉李勣旋軍定襄太宗遣使賫璽書以勞將士突厥諸部有思結者先處代州五臺縣其意嘗欲歸延陀因是而叛代州追兵適及會李勣旋軍至首尾圍擊思結計無所出走入峨谷中自度必死前殺其妻子然後力戰勦又敗之斬首五百級生擒一千五百人虜其男女三千餘口獲牛馬稱是

十八年七月太宗以高麗莫離支自殺其主發兵擊

溢儉等兵不能濟

十月安西都督郭孝恪帥師滅焉耆孝恪執其王龍突騎支送行在所時帝幸九成宮故日行在所初王師之滅高昌

也制以高昌所虜焉耆生口七百盡還之焉耆王尋叛歸於欲可汗朝貢稀至令孝恪伺其機便孝恪因表請擊之以孝恪爲安西道行軍總管率步騎三千出銀山道以伐焉耆孝恪夜襲其城破之

十一月命太子詹事英國公李勣爲遼東道行軍總管出柳城禮部尚書江夏郡王道宗副之刑部尚書鄭國公張亮爲平壤道行軍總管以舟師出萊州左

領軍常何瀘州都督左難當副之發天下甲士召募
十萬並趣平壤以伐高麗

十九年四月英國公李勤攻盖牟城破之

時帝親征此已後至

班師事具帝王親征門

二十年六月遣兵部尚書固安公崔敦禮特進英國
公李勤擊破薛延隨於鬱督軍山北前後斬首五十
餘級虜男女三十萬人時鐵勒僕骨同羅共擊延隨
多彌可汗大敗之帝以延隨破亡遣江夏王道宗左
衛大將軍阿史那社余為潮海安撫大使又使石領
軍衛大將軍執失思力領突厥兵代州都督薛萬徹

營州都督張儉各統所部兵分道並進又令右驍衛
大將軍梁苾何力領涼州及胡兵同人以為聲援江
夏王道宗等兵既渡積遇阿波達官控弦數萬直前
拒戰道宗進擊破之斬首千餘級追奔二百里薛萬
徹別軍北道與迴紇相遇二將各遣使諭以綏懷之
旨其酋帥見使者皆頓顙歡呼曰不意大國遠見存
撫俱請入朝既而諸部降書皆至百僚畢賀

二十一年三月伐高麗以左武衛大將軍牛進達為
青丘道行軍大總管右武衛大將軍李海崖為副發
兵一萬餘人並樓船戰舸自萊州泛海而入又以特

進太子詹事英國公李勣爲遼東道行軍大總管右武衛將軍孫貳郎左屯衛大將軍鄭仁泰爲副將配兵三千人其營州都督府所管兵馬盡皆隸勣於是厲涉遼東自新城道入兩軍之發也並遣慣習滄波能以少擊衆者而配隸焉先是十九年帝之伐高麗也以討逆爲名及破駐蹕陳帝以御副弓箠賜莫離支雖服拜銜恩而不遣親近來謝天子以暮秋邊外詔六軍班師莫離支以王城獲全庶幾可以自免滋虐其主又令伺我邊隙厥貢踈薄失藩人臣大國之禮天子扼腕含怒終欲取之中議以爲高麗城雉依山攻之不可卒下往前鑾駕親伐廢其耕稼所陷之城並收其穀韓師旅炎旱相繼夷人以猥衆大半斷粒若得少兵番次躁其邊場彼瘡痍之殘疲於奔命耕夫釋耒並皆入堡島夷之邑千里荒蕪古人云金城湯池非粟不固若再三如此高麗必大窘迫自然逃散誰肯爲莫離支嬰城鴨渌水以北可不戰而取天子以爲然故有是命

七月牛進達李海崖攻高麗石城陷之虜男女數百人師次積利城下高麗出軍萬餘人拒戰海崖等擊破之斬首二千級

九月遣宋州刺史王波利中郎將丘孝忠發江南十
二州造入海大船及艤船三百五十艘將征高麗
十二月詔曰皇天理物蓄嚴厲於積陰大塊厚生騰
殺氣於秋序故霆霓震曜聲懾八紘繁霜凝肅威加
萬類朕既承茲介福超上皇王憂責在躬情兼列代
昆蚩不理尤且納隍戎羯未寧豈宜安席過天西土
自古遊魂昔與北塲本同根蒂乘戎致闕遂爾攜離
雞田戴斗是其夸天之地雁塞干雲上應分術之野
蠃踰瀚海局拒塞垣總其衝燭之鄉並爲征賦之俗
惟有烏孫舊境罝罽所漏本既先拔未豈能全皮尚

不存毛將安附侵軼旅葵之壤剽掠巨雀之藩播此
凶荒歷年茲久積其愆禍崇凶貫盈凡厥氈裘不勝
焦爛蠹茲板屋盡苦侵漁膜拜錦車思拯溺以延
首重譯蠻邸叫嚴閣而委命裂裳裹足驟請天誅朕
乃瞻西顧深悼于懷捨此弗圖孰祗靈命是以求衣
待旦對懸亡食哀彼綴旒義增投袂雖臨軒而獨對
慮疑謀之罔從乃命鼎司陰籌遠畧言纔出于唇吻
應已昭于上玄昧且臨朝太史奏曰昨宵甲夜纖阿
蝕昴考靈臺之秘簡徵渾象之舊文月者陰精用刑
之兆也星纏胡分數終之效焉是知天道雖高去人

非遠至誠仰達應不踰時奉以恭行理當無惑今便
躬秘推轂制詔夏官馮社出車發明秋令殲斯巨猾
救彼蒼黎可遣使持節崑丘道行軍大總管左驍衛
大將軍阿史那社爾副大總管左驍衛大將軍契苾
何力金紫光祿大夫行安西都護郭孝恪司農卿清
河郡公楊弘禮行軍總管左武衛將軍李海崖等總
絜龜斬蛟之士帥曳牛佩豕之曹莫不感義長 誦誓
探窠穴之志循躬距躍將謝肉骨之恩又發鐵勒五牧
十有三部突厥侯王十餘萬騎沸湧動沙場之地吁
吸振廣漠之風道自金微會于葱嶺又遣吐蕃君長

踰玄菟而北臨步搖酋渠絕昌海而西鷺齊飛白羽
周設天羅縱金懸米之源掩河津而雷擊沫赭崦山
之嶠轆日域以雷奔取彼渠魁委于司寇極其萌隸
賜以營魂俾夫六羸泛駕免覆車而伏阜十角摧鋒
與共觝而俱獻豈非有名動衆本爲除殘以義出師
貴能徵惡是以倒戈必宥事表於前經輿觀不誅理
昭於往誥其有去危投款悔禍求哀毳幙酋豪宜錫
長纓之寵韋韝種落惠以飲啄之娛且夫察微興事
者機也勞已安人者義也天與則取可謂乘機衆欲
斯從是名敦義踐機而必作戴義以行之今此一勞

永康四表折兵難再或失時宜以朕之懷速頌天下
初龜茲國既臣於西突厥安西都護郭孝恪之伐焉
耆也龜茲遣軍援助自是藩禮漸缺帝大怒故有是
詔

閏十二月阿史那社爾與郭孝恪楊弘禮率五將軍
又發鉄勒十二部兵十餘萬騎以伐龜茲社爾既破
西蕃處月處密乃進師趣其北境出其不意西突厥
所署焉耆王棄城而遁社爾遣輕騎追擒之龜茲大
震守將多棄城而走社爾進屯積石去其都城三百
里遣伊州刺史韓威率千餘騎爲前鋒右驍衛將軍

曹繼叔次之至多褐城與龜茲王相遇及其相邠利
羯獵等有衆五萬逆拒王師威乃僞遁而引之其王
俟利發見威兵少悉衆而至威退行三十里與繼叔
軍會合擊大破之其王退保都城社爾進軍逼之王
乃輕騎而走遂下其城令孝恪守之遣沙州刺史蘇
海政尚輦奉御薛萬備以精騎逼之行六百里其王
窘急退保于檢換城社爾等進軍圍之擒其王及大
將羯獵巔等其相邠利僅以身免潛引西突厥之衆
并其國兵萬餘人來襲孝恪與子待詔同死于陣官
軍大擾倉部郎中崔義起與曹繼叔韓威等擊之邠

利匹馬而遁尋為龜茲人所執以詣軍前後破其大城五所虜男女數萬口社爾因立其王之弟葉護為王勒石紀功而旋俘其王阿黎布失畢及郝利羯獵顛等獻於廟是月以崑丘道行軍總管左武衛將軍阿史那賀魯為泥伏沙鉢羅葉護并給鼓纛遣招討巴西突厥

二十二年正月詔授右武衛大將軍薛萬徹為青丘道行軍大總管右衛將軍裴行大為副率兵三萬餘人并樓船戰艦自萊州泛海以擊高麗萬徹入鴨綠水俘獲甚眾四月烏胡鍾將石神感率兵浮海直指高麗領步騎

五千拒戰於易山短兵纜接其眾大潰斬首虜八百餘人其夜賊兵萬餘襲神感之船神感設伏以待之賊不覺奮擊大破之而還

是月右武侯將軍梁建方擊松外蠻破之初雋州都督劉伯英上言松外諸蠻雖暫降款旋即背叛請出師討之西濟河天竺道可通也由是發蜀中十二州兵討之蠻帥雙舍率眾拒戰建方擊敗之殺獲千餘人群蠻震擾投竄山谷建方分遣使者說以利害爭來款附前後至者七千餘部戶十萬九千三百建方署其首領蒙和為縣令各統所部莫不感悅建方乘

勝遣使往西洱河其帥楊盛見使至大駭具船將遁使者曉諭禍福示以威信咸遂稽顙請降遣守領十人來謁軍門建方振旅而退

六月薛延陁餘衆二萬人渡鮮嶠河侵澣海金微幽陵三郡都督各發兵逆擊大破之斬獲八千級於是發燕副都護元臣率九姓鐵勒捕

是月青丘道軍師薛萬徹渡海入鴨綠水百餘里至泊灼城南四十里止營高麗襲懼並棄邑居而遁泊灼城主所失孫率步騎萬餘人來拒官軍萬徹遣右衛將軍裴行方領步卒折衝尉羅文合爲援軍繼進

萬徹及諸軍乘之賊大潰追奔百餘里及於陣所天孫進兵圍之泊灼城因山設險阻鴨綠水以爲固攻之未拔高麗遣將高文率馬骨安地諸城兵三萬餘人來援分置兩陣萬徹分軍以當之鋒刃纔接而賊潰俘獲且盡而還

八月辛丑遣左領軍大將軍執失思力往金山道討薛延陁餘部落

是月崑丘道將軍阿史那社爾擊處羅破之餘衆悉降

九月遣茂州都督張士貴石衛將軍梁建方發隴右

及峽中兵馬二萬餘人擊編獠初帝遣劍南造船復
獠之人咸令減役雅邛眉三州編獠或不祇承呼召
相率而反乃遣建方等討之

